



Tužilaštvo - Tužiteljstvo Bosne i Hercegovine
Тужилаштво Босне и Херцеговине

Broj: T20 0 KT 0022470 22
Sarajevo, 15.01.2024.godine

SUD BOSNE I HERCEGOVINE
- Sudiji za prethodno saslušanje –
SARAJEVO

Na osnovu člana 35. stav 2. tačka i), člana 226. stav 1. i člana 227. Zakona o krivičnom postupku Bosne i Hercegovine, p o d i ž e m:

OPTUŽNICU

PROTIV:

SAHIN SOGUTLUA, [REDACTED] rodenog
[REDACTED] 1970. godine u Besni, Adiyaman, Republika Turska, [REDACTED]
[REDACTED] državljana Republike Turske,
[REDACTED]
[REDACTED]

Što je:

Dana 13.07.2022. godine u 22,44 sati, putničkim motornim vozilom marke JEEP, tip MPV, registarskih oznaka BiH [REDACTED] u namjeri pribavljanja za sebe nezakonite imovinske koristi, dogovorio prebacivanje iz BiH preko rijeke Save u Hrvatsku i dalje prema zemljama EU, grupe od 8 državljana Republike Turske i to: [REDACTED]
[REDACTED] i iste pokušao nezakonito prevesti preko granice na mjestu koje nije predviđeno za

prelaz granice i ne predstavlja obilježen granični prijelaz, postupajući protivno članu 6. Protokola protiv krijumčarenja migranata, kopnenim, morskim i vazdušnim putem kojim se dopunjuje Konvencija UN protiv transnacionalnog organiziranog kriminala („Službeni glasnik BiH“, broj: 3/02) i članu 7. stav 2. Zakona o Graničnoj kontroli („Službeni glasnik BiH“, broj: 53/09, 54/10 i 47/14) i pri tome znajući da državljani Republike Turske ne zadovoljavaju uvjete za zakonit prelazak preko državne granice BiH sa RH, niti ispunjavaju uvjete za zakonit ulazak u zemlje Evropske Unije, odnosno da u tim državama nemaju odobren boravak ili prebivalište, kako je to propisano članom 8. stav 1. Zakona o strancima („Službeni glasnik BiH“, broj: 88/15 i 24/21), gdje je za novčani iznos od 600 EUR prevezeo navedene osobe, državljane Republike Turske iz Sarajeva u mjesto Donja Mahala, općina Orašje, a za koje državljane Republike Turske je u dogovoru sa njemu poznatom osobom organizovao njihovo prebacivanje iz Bosne i Hercegovine za Republiku Hrvatsku preko rijeke Save u čemu su spriječeni od strane policijskih službenika MUP Posavskog kantona, PS Orašje, koji su u 23,00 sata zatekli krijumčarena lica državljane Republike Turske u blizini rijeke Save na lokaciji Bacuska, općina Orašje na njivama zvanima Livade, kod priljeva uz rijeku Savu u neposrednoj blizini mjesta gdje ih je dovezao osumnjičeni zajedno sa čamcem, nakon čega je isti zaustavljen od strane policijskih službenika PS Orašje na magistralnoj cesti M14-2 i lišen slobode.

Dakle, radi pribavljanja imovinske koristi, pokušao preko državne granice nezakonito prevesti državljane Republike Turske.

Čime je počinio krivično djelo Krijumčarenje ljudi iz člana 189. stav 1. KZ BiH, u vezi sa članom 26. istog Zakona.

T U Ž I L A C
TUŽILAŠTVA/TUŽITELJSTVA BiH